

蜂

臨川
舊刊

達磨大師三論

菩提達磨悟性論序

常樂院銀海序

聆夫天地無邊無邊無際惟尚應量虛空廣大廣大
無量是尚靡大從無始以來非大非小心性從無始
已來非量非邊真智所以太虛可取心不可把虛空
可捨心不可棄般若無見而能見是理涅槃無生而
能生此智見無見之見假号為真智生無生之生假
稱為真理此智真智而非但智無生所生故此理真
理而非但理無見所見故于爰知非但智者常見涅
槃理非但理者常生般若若智般若涅槃不二而理智
宛然理智宛然般若涅槃無體但有名字名字無身

但有言說言說性空無體理智不生不滅不增不減
不垢不淨不垢不淨自性清淨自性清淨非迷悟非
真妄真妄本空十界本空十界本空三千本空三千
本空諸法本空諸法本空萬法實相萬法實相萬法
一心萬法一心誰論權實從本無迷縛誰始立悟解
凡聖平等凡聖絕名何謂斷縛開解迷迷迷無迷
迷悟悟悟悟無悟悟于爰南天香至大王第三王子
名菩提多羅天竺蓋十八祖震旦第一祖師憫非迷
迷不悟之中捧悟性指豈非以木馬角步泥蛇脚何
異石虎山前闍蘆花水底沈矯亂惟此言實哉內證

智不及見聞無窮知解不可著文字不可依言說若
看文字不可作心不可任心不可止心不可滅心自
性真佛離作任止滅圓覺妙性佛不說一字善星八
萬調達六萬乍誦墮獄是不見性說故喜哉不運一
毫之功全開寶藏非用殺那之力頓獲玄珠懷膏育
病逢善見藥王處躑形者得天衣妙服誰智人乍值
此論不登虛空山哉

達磨大師悟性論



夫道者以寂滅為體，脩者以離相為宗。故經云：寂滅是菩提，滅諸相故。佛者覺也，人有覺心得菩提，道故名為佛。經云：離一切諸相，即名諸佛。是知有相是無相之相，不可以眼見，唯以智知。若聞此法者，生一念信心，此人以發大乘，超三界。三界者，貪嗔癡，是返貪嗔癡為戒定慧，即名超三界。然貪嗔癡亦無實性，但據衆生而言矣。若能返照了了，見貪嗔癡性，即是佛性。貪嗔癡外更無別有佛性。經云：諸佛從本來常處於三毒長養，於白法而成。於世尊三毒者，貪嗔癡也。言大乘寂上乘者，皆是菩薩所行之處，無所不乘，亦無。

五台生

所乘終日乘未嘗乘此為佛乘經云無乘為佛乘也
若人知六根不實五蘊假名遍體求之必無定處當
知此人解佛語經云五蘊窟宅名禪院內照開解即
大乘門可不明哉不憶一切法乃名為禪定若了此
言者行住坐卧皆禪定知心是空名為見佛何以故
十方諸佛皆以無心不見於心名為見佛捨身不悞
名大布施離諸動定名大坐禪何以故凡夫一向動
小乘一向定謂出過凡夫小乘之坐禪名大坐禪若
作此會者一切諸相不求自解一切諸病不治自差
此皆大禪定力凡將心求法者為迷不將心求法者
為悟不著文字名解脫不染六塵名護法出離生死

名出家不受後有名得道不生妄想名涅槃不處無
明為大智慧無煩惱處名般涅槃無心相處名為彼
岸迷時有此岸若悟時無此岸何以故為凡夫一向
住此若覺寂上乘者心不住此亦不住彼故能離於
此彼岸也若見彼岸果於此岸此人之心已得無禪
定煩惱名眾生悟解名菩提亦不一不異只隔其迷
悟耳迷時有世間可出悟時無世間可出平等法中
不見凡夫果於聖人經云平等法者凡夫不能入聖
人不能行平等法者唯大菩薩與諸佛如來行也若
見生果於死動果於靜皆名不平等不見煩惱果於
涅槃是名平等何以故煩惱與涅槃同是一性空故

是以小乘人妄斷煩惱妄入涅槃為涅槃所滯菩薩
知煩惱性空即不離空故常在涅槃涅槃者涅而不
生槃而不死出離生死名般涅槃心無去來即入涅
槃是知涅槃即是空心諸佛入涅槃者為在無妄想
處菩薩入道場者即是無煩惱處空閑處者即是無
貪嗔癡也貪為欲界嗔為色界癡為無色界若一念
心生即入三界一念心滅即出三界是知三界生滅
萬法有無皆由一心凡言一心者似破凡石竹木無
情之物若知心是假名無有實軀即知自家之心亦
是非有亦是非無何以故凡夫一向生心名為有小
乘一向滅心名為無菩薩與佛未曾生心未曾滅心

名為非有非無心非有非無心此名為中道是知持
心學法則心法俱迷不持心學法則心法俱悟凡迷
者迷於悟悟者悟於迷正見之人知心空無即超迷
悟無有迷悟始名正解正見色不自色由心故色心
不自心由色故心是知心色兩相俱生滅有者有於
無無者無於有是名真見夫真見者無所不見亦無
所見見滿十方未曾有見何以故無所見故見無見
故見非見故凡夫所見皆名妄想若寂滅無見始名
真見心境相對見生於中若內不起心則外不生境
境心俱淨乃名為真見作此解時乃名正見不見一
切法乃名得道不解一切法初解法何以故見與不

見俱不見故解與不解俱不解故無見之見乃名真見無解之解乃名大解夫正見者非直見於見亦乃見於不見真解者非直解於解亦乃解於無解凡有所解皆名不解無所解者始名正解解與不解俱非解也經云不捨智慧名愚癡以心為空解與不解俱是真以心為有解與不解俱是妄若解時法逐人若不解時人逐法若法逐於人則非法成法若人逐於法則法成非法若人逐於法則法皆妄若法逐於人則法皆真是以聖人亦不將心求法亦不將法求心亦不將心求心亦不將法求法所以心不生法法不生心心法兩寂故常為在定眾生心生則佛法滅眾

生心滅則佛法生心生則真法滅心滅則真法生已知一切法各各不相屬是名得道人知心不屬一切法此人常在道場迷時有罪解時無罪何以故罪性空故若迷時無罪見罪若解時即罪非罪何以故罪無處所故經云諸法無性真用莫疑疑即成罪何以故罪因疑惑而生若作此解者前世罪業即為消滅迷時六識五陰皆是煩惱生死法悟時六識五陰皆是涅槃無生死法脩道人不外求道何以故知心是道若得心時無心可得若得道時無道可得若言將心求道得者皆名邪見迷時有佛有法悟時無佛無法何以故悟即是佛法夫脩道者身滅道成亦如甲

折樹生此業報身念念無常無一定法但隨念念候
之亦不得厭生死亦不得愛生死但念念之中不得
妄想則生證有餘涅槃死入無生法忍眼見色時不
深於色耳聞聲時不染於聲皆解脫也眼不著色眼
為禪門耳不著聲耳為禪門總而言見色者見色性
不著常解脫見色相者常繫縛不為煩惱所繫縛者
即名解脫更無別解脫善觀色者色不生心心不生
色即色與心俱清淨無妄想時一心是一佛國有妄
想時一心是一地獄衆生造作妄想以心生心故常
在地獄菩薩觀察妄想不以心生心常在佛國若不
以心生心則心心入空念念歸靜從一佛國至一佛

國若以心生心則心心不靜念念歸動從一地獄歷
一地獄若一念心起則有善惡二業有天堂地獄若
一念心不起即無善惡二業亦無天堂地獄為體非
有非無在凡即有在聖即無聖人無其心故胸臆空
洞與天同量此已下並是大道中證非小乘及凡夫
境界也心得涅槃時即不見有涅槃何以故心是涅
槃若心外更見涅槃此名著邪見也一切煩惱為如
來種子為因煩惱而得智慧只可道煩惱生如來不
得道煩惱是如來故身心為田疇煩惱為種子智慧
為萌芽如來喻於穀也佛在心中如香在樹中煩惱
若盡佛從心出朽腐若盡香從樹出即知樹外無香

心外無佛若樹外有香即是他香心外有佛即是佗佛
 佛心中有三毒者是名國土穢惡心中無三毒者是
 名國土清淨經云若使國土不淨穢惡充滿諸佛世
 尊於中出者無有此事不淨穢惡者即無明三毒是
 諸佛世尊者即清淨覺悟心是一切言語無非佛法
 若能無其所言而盡日言是道若能有所言即終
 日默而非道是故如來言不乘默默不乘言言不離
 默悟此言默者皆在三昧若知時而言言亦解脫若
 不知時而默默亦繫縛是故言若離相言亦名解脫
 默若著相默即是繫縛夫文字者本性解脫文字不
 能就繫縛繫縛自來就文字法無高下若見高下即

非法也非法為筏是法為人筏者人乘其筏者即得
 渡於非法則是法也若世俗言即有男女貴賤以道
 言之即無男女貴賤以是天女悟道不變女形車匿
 解真寧移賤稱乎此蓋非男女貴賤皆由一相也天
 女於十二季中求女相了不可得即知於十二季中
 求男子相亦不可得十二季者即十二入是也離心
 無佛離佛無心亦如離水無冰亦如離冰無水凡言
 離心者非是遠離於心但使不著心相經云不見相
 名為見佛即是離心相也離佛無心者言佛從心出
 心能生佛然佛從心生而心未嘗生於佛如魚生於
 水水不生於魚欲觀於魚未見魚而先見水欲觀佛

者未見佛而先見心即知己見魚者忘於水已見佛者忘於心若不忘於心尚為心所惑若不忘於水尚被水所迷眾生與菩提亦如水之與水為三毒所燒即名眾生為三解脫所淨即名菩提為三冬所凍即名為冰為三夏所消即名為水若捨卻冰即無別水若棄卻眾生則無別菩提明知水性即是水性水性即是水性眾生性者即菩提性也眾生與菩提同一性亦如烏頭與附子共根耳但時節不同迷悟異境故有眾生菩提二名矣是以蛇為龍不改其鱗凡變為聖不改其面但知心者智內照身者戒外真眾生度佛佛度眾生是名平等眾生度佛者煩惱生悟解

佛度眾生者悟解滅煩惱是知非無煩惱非無悟解是知非煩惱無以生悟解非悟解無以滅煩惱若迷時佛度眾生若悟時眾生度佛何以故佛不自成皆由眾生度故諸佛以無明為父貪愛為母無明貪愛皆是眾生別名也眾生與無明亦如左掌與右掌更無別也迷時在此岸悟時在彼岸若知心空不見相則離迷悟既離迷悟亦無彼岸如來不在此岸亦不在彼岸不在流中流者小乘人也此岸者凡夫也彼岸菩提也佛有三身者化身報身法身化身亦云應身若眾生常作善時即化身現備智慧時報身現覺無為即法身常現飛騰十方隨宜救濟者化小佛

也若斷惑者即是雪山成道報身佛也無言無說無
作無得湛然常住法身佛也若論至理一佛猶何得
有三此謂三身者但據人智也有上中下說下智之人
妄興福力也妄見化身佛中智之人妄斷煩惱妄見
報身佛上智之人妄證菩提妄見法身佛上上智之
人內照圓森明心即佛不待心而得佛智知三身與
萬法皆不可取不可說此即解脫心成於大道經云
佛不說法不度眾生不證菩提此之謂矣眾生造業
業造不造眾生今世造業後世受報無有脫時唯有至人
於此身中不造諸業故不受報經云諸業不造自然
得道豈虛言哉人能造業業不能造人人若造業業

受

1
百五

與人俱生人若不造業業與人俱滅是知業白人造
人由業生人若不造業即業無由生人也亦如人能
弘道道不能弘人今之凡夫徃徃造業妄說無報豈
不苦哉若以至少而理前心造後心報何有脫時若
前心不造即後心無報復安得妄見業報哉經云雖
信有佛言佛苦行是名邪見雖信有佛言佛有金銀
馬麥之報是名信不具是名一闡提解聖法者名
為聖人解凡法者名為凡夫但能捨凡法就聖法即
凡夫成聖人矣世間愚人但欲遠求聖人不信惠解
之心為聖人也經云無智人中莫說此經此經也法
也無智之人不信此心解法成於聖人但欲遠求

五十五

學。心。慕。空。中。佛。像。光。明。香。色。等。事。皆。隨。邪。見。生。心。狂
亂。經。云。若。見。諸。相。非。相。即。見。如。來。八。萬。四。千。法。門。盡
由。一。心。而。起。若。心。相。內。淨。由。如。虛。空。即。出。離。身。心。內
八。萬。四。千。煩。惱。為。病。本。也。凡。夫。當。生。憂。死。臨。絕。愁。飢
皆。名。大。惑。所。以。聖。人。不。謀。其。前。不。慮。其。後。無。應。當。今
念。念。歸。道。若。未。悟。此。大。理。者。即。須。早。求。人。天。之。善。無
令。兩。失。

夜坐偈云

一更端坐結跏趺 怡神察照泯同虛
曠劫由來不生滅 何須生滅滅無餘

一切諸法皆如幻 本性自空那用除

若識心性非形像 湛然不動自真如

二更凝神轉明淨 不起憶想同真性

森羅萬像併歸空 更執有空還是病

諸法本自非空有 凡夫妄想論邪正

若能不二其居懷 誰道即凡非是聖

三更心淨等虛空 遍滿十方無不通

山河石壁無能障 恒沙世界在其中

世界本性真如性 亦無無性即含融

非但諸佛能如此 有情之類並皆同

四更無滅亦無生 量與虛空法界平

無去無來無起滅 非有非無非暗明
不起諸見如來見 無名可名真佛名
唯有悟者應能識 未會衆生由若盲
五更般若照無遺 不起一念塵三千
欲見真如平等性 慎勿生心即目前
妙理玄奧非心測 不用尋逐令疲極
若能無念即真求 更若有求還不識

達磨大師悟性論

達磨血脉論序

達磨血脉論序

石朝奉郎通判建昌軍事賜緋魚袋任權作
原人之心皆具佛性。此觀諸家禪說一切經文。原其
至當之理。未有言自己性中本來真佛。達磨西來
直指人心見性成佛。蓋謂自己真佛不出。性之由
人人不自秀。信所以向外馳求。將謂自性真佛。豈
有別佛。故諸佛諸祖師說法。要人肯悟自己本來真
佛。不假外求。又得種種法語。茫盪不一。轉使學人惑
亂本性。無悟入處。惟有達磨血脉論。并黃蘗傳心法

無去無來無起滅 非有非無非暗明
不起諸見如來見 無名可名真佛名
唯有悟者應能識 未會衆生由若盲
五更般若照無邊 不起一念塵三千
欲見真如平等性 慎勿生心即目前
妙理玄奧非心測 不用尋逐令疲極
若能無念即真求 更若有求還不識

達磨大師悟性論

達磨血脉論序

右朝奉郎通判建昌軍事賜緋魚袋任括作

原人之心皆具佛性泛觀諸家禪說一切經文原其

至當之理未有不自己性中本來真佛達磨西來

直指人心見性成佛蓋謂自己真佛不出一性之中

人人不自委信所以向外馳求將謂自性真佛外更

有別佛故諸佛諸祖師說法要人省悟自己本來真

佛不假外求又緣種種法語泛濫不一轉使學人惑

亂本性無悟入處惟有達磨血脉論并黃蘗傳心法

要二說最為至論可以印證自己佛性使人易曉

之求師訪道鑽尋故紙坐禪行腳枉費工夫相云萬

達磨血脉論序

右朝奉郎通判建昌軍事賜緋魚袋任栢作
原人之心皆具佛性。泛觀諸家禪說一切經文。原其
至當之理。未嘗不言自己性中本來真佛。達磨西來
直指人心見性成佛。蓋謂自己真佛不出。性之中
人人不自覺。信可以向外馳求。將謂自性真佛。豈
有別佛。故諸佛諸祖師說法。要人省悟自己本來真
佛。不假外求。又緣種種法語。泛濫不一。轉使學人惑
亂本性。無悟入處。惟有達磨血脉論并黃鶯傳心法

倍此非小補紹興癸酉見獨老人任括序

達磨大師血脉論

三界混起同歸一心前佛後佛以心傳心不立文字
 問曰若不立文字以何為心答曰汝問吾即是汝心
 吾答汝即是吾心吾若無心因何解答汝汝若無心
 因何解問吾問吾即是汝心從無始曠大劫以來乃
 至施為運動一切時中一切處所皆是汝本心皆是
 汝本佛即心是佛亦復如是除此心外終無別佛可
 得離此心外覓菩提涅槃無有是處自性真實非因
 非果法即是心義自心是菩提自心是涅槃若言心
 外有佛及菩提可得無有是處佛及菩提皆在何處
 譬如有以手捉虛空得否虛空但有名亦無相貌

取不得捨不得是捉空不得除此心外覓佛終不得也佛是自心作得因何離此心外覓佛前佛後佛只言其心心即是佛佛即是心心外無佛佛外無心若言心外有佛佛在何處心外既無佛何起佛見遍相誑惑不能了本心被它無情物攝無自由若也不信自誑無益佛無過患衆生顛倒不覺不知自心是佛若知自心是佛不應心外覓佛佛不度佛將心覓佛不識佛但是覓佛者盡是不識自心是佛亦不得將佛禮佛不得將心念佛佛不誦經佛不持戒佛不犯戒佛無持犯亦不造善惡若欲覓佛須是見性即是佛若不見性念佛誦經持齋持戒亦無益處念佛得

因果誦經得聰明持戒得生天布施得福報覓佛終不得也若自己不明了須參善知識了却生死根本若不見性即不名善知識若不如是縱說得十二部經亦不免生死輪迴三界受苦無出期時昔有善星比丘誦得十二部經猶自不免輪迴緣為不見性善星既如此今時人講得三五本經論以為佛法者愚人若不識得自心誦得閑文書都無用處若要覓佛直須見性性即是佛佛即是自在人無事無作人若不見性終日茫茫向外馳求覓佛尤來不得雖無一物可得若未會亦須參善知識切須苦求令心會解生死事大不得空過自誑無益縱有珍寶如山眷屬

如恒河沙。開眼即見。合眼還見。麼故。知有為之法。如
夢幻等。若不急尋師。空過一生。然即佛性自有。若不
因師。終不明了。不因師悟者。萬中希有。若自己以緣
會合。得聖人意。即不用參善知識。即是生而知之。勝
學也。若未悟解。須勤苦參學。因教方得悟。若自明了
不學。亦得。不同迷人。不能分別。皂白。妄言宣佛勸誘
佛妄法。如斯等類。說法如雨。盡是魔說。即非佛說。師
是魔王弟子。是魔民。迷人。任它指揮。不覺墮生死海。
但是不見性人。妄稱是佛。此等衆生。是大罪人。誑它
一切衆生。令入魔界。若不見性。說得十二部經。教盡
是魔說。魔家眷屬。不是佛家弟子。既不辨皂白。憑何

免生死。若見性。即是佛。不見性。即是衆生。若離衆生
性別。有佛性可得者。佛今在何處。即衆生性。即是佛
性也。性外無佛。佛即是性。除此性外。無佛可得。佛外
無性可得。問曰。若不見性。念佛誦經。布施持戒。精進
廣興福利。得成佛否。答曰。不得。又問。因何不得。答曰。
有少法可得。是有為法。是因果。是受報。是輪迴法。不
免生死。何時得成佛道。成佛須是見性。若不見性。因
果等語。是外道法。若是佛。不習外道法。佛是無業人。
無因果。但有少法可得。盡是謗佛。憑何得成。但有住
著一心。能一解。一見佛。都不許佛。無持犯心。性本空。
亦非垢淨。諸法無脩。無證。無因。無果。佛不持戒。佛不

脩善佛不造惡佛不精進佛不懈怠佛是無作人但有住著心見佛即不許也佛不是佛莫作佛解若不見此義一切時中一切處所皆是不見本心若不見性一切時中擬作無作想是大罪人是癡人落無記空中昏昏如醉人不辨好惡若擬脩無作法先須見性然後息緣慮若不見性得成佛道無有是處有人撥無因果熾然作惡業妄言本空作惡無過如此之人隋無間黑暗地獄永無出期若是智人不應如是見解問曰既若施為運動一切時中皆是本心色身無常之時云何不見本心答曰本心常現前汝自不見問曰心既見在何故不見師曰汝曾作夢否答曾

作夢問曰汝作夢之時是汝本身否答是本身又問汝言語施為運動尚汝別不別答曰不別師曰既若不別即此身是汝本法身即此法身是汝本心此心從無始曠大劫來與如今不別未曾有生死不生不滅不增不減不垢不淨不好不惡不來不去亦無是非亦無男女相亦無僧俗老少無聖無凡亦無佛亦無衆生亦無脩證亦無因果亦無筋力亦無相貌猶如虛空取不得捨不得山河石壁不能為礙出沒往來自在神通透五蘊山渡生死河一切業拘此法身不得此心微妙難見此心不同色心此心是人皆欲得見於此光明中運手動足者如恒河沙及乎問著

總道不得猶如木人相似。認是自己受用。因何不識佛言一切衆生盡是迷人。因此作業。隨生死河欲出。還沒。只為不見性。衆生若不迷。因何問著。其中無有一人得會者。自家運手動足。因何不識。故知聖人語不錯。迷人自不會曉。故知此難明。惟佛一人能會。此法餘人天及衆生等。盡不明了。若智慧明了。此心號名法性。亦名解脫。生死不拘。一切法拘它不得。是名大自在。王如來亦名不思議。亦名聖體。亦名長生不死。亦名大仙。名雖不同。體即是一。聖人種種分別。皆不離自心。心量廣大。應用無窮。應眼見色。應耳聞聲。應鼻嗅香。應舌知味。乃至施為運動。皆是自心。一切

時中但有語言道。斷即是自心。故云如來色無盡。智慧亦復然。色無盡是自心。心識善能分別一切。乃至施為運用。皆是智慧。心無形相。智慧亦無盡。故云如來色無盡。智慧亦復然。四大色身。即是煩惱。色身即有生滅。法身常住。無所住。如來法身常不變異。故經云衆生應知佛性本自有之。迦葉只是悟得本性。本性即是心。心即是性。性即此同。諸佛心前。佛後佛只傳此心。除此心外。無佛可得。顛倒衆生不知自心。是佛向外馳求。終日忙忙念佛禮佛。佛在何處。不應作如是等見。但知自心心外更無別佛。經云凡所有相皆是虛妄。又云所在之處。即為有佛。自心是佛。不應

得佛禮佛但是有佛及菩薩相貌忽爾見前切不用
禮敬我心空寂本無如是相貌若取相即是魔盡落
邪道若是幻從心起即不用禮禮者不知知者不禮
禮被魔攝恐學人不知故作是辨諸佛如來本性體
上都無如是相貌切須在意但有異境界切不用採
括亦莫生怕怖不要疑惑我心本來清淨何處有如
許相貌乃至天龍夜叉鬼神帝釋梵王等相亦不用
心生敬重亦莫怕懼我心本來空寂一切相貌皆是
妄相但莫取相若起佛見法見及佛菩薩等相貌而
生敬重自隋衆生位中若欲真會但莫取一切相即
得更無別語故經云凡所有相皆是虛妄都無定實

幻無定相是無常法但不取相合它聖意故經云離
一切相即名諸佛問曰因何不得禮佛菩薩等答曰
天魔波旬阿脩羅示見神通皆作得菩薩相貌種種
變化是外道總不是佛佛是自心莫錯禮拜佛是西
國語此土云覺性覺者靈覺應機接物揚眉瞬目運
手動足皆是自已靈覺之性性即是心心即是佛佛
即是道道即是禪禪之一字非凡聖所測又云見本
性為禪若不見本性即非禪也假使說得千經萬論
若不見本性只是凡夫非是佛法至道幽深不可話
會曲教憑何所及但見本性一字不識亦得見性即
是佛聖體本來清淨無有雜穢所有言說皆是聖人

從心起用用體本來空名言猶不及十二部經憑何
得及道本圓成不用脩證道非聲色微妙難見如人
飲水冷暖自知不可向人說也唯有如來能知餘人
天等類都不覺知凡夫智不及所以有執相不了自
心本來空寂妄執相及一切法即隨外道若知諸法
從心生不應有執執即不知若見本性十二部經總
是閑文字千經萬論只是明心言下契會教將何用
至理絕言教是語詞實不是道道本無言言說是妄
若夜夢見樓閣宮殿象馬之屬及樹木叢林池亭如
是等相不得起一念樂著盡是托生之處切須在意
臨終之時不得取相即得除疑心瞥起即魔攝法身

妄

本來清淨無受只緣迷故不覺不知因茲故妄受報
所以有樂著不得自在只今若悟得本來身心即不
深習若從聖入凡示見種種雜類等自為衆生故聖
人逆順皆得自在一切業拘它不得聖成久有大威
德一切品類業被它聖人轉天堂地獄無奈何它凡
夫神識昏昧不同聖人內外明徹若有疑即不作作
即流浪生死後悔無相救處貧窮困苦皆從妄想生
若了是心迤相勸勉但無作而作即入如來知見初
發心人神識總不定若夢中頻見果境輒不用疑皆
是自心起故不從外來夢若見光明出現過於日輪
即餘習頓盡法界性見若有一事即是成道之因唯

自知不可向人說或靜園林中行住坐卧眼見光明
或大或小莫與人說亦不得取亦是自性光明或夜
靜暗中行住坐臥眼睹光明與晝無異不得怪立是
自心欲明顯或夜夢中見星月分明亦自心諸緣欲
息亦不得向人說夢若昏昏猶如陰暗中行亦是自
心煩惱障重亦自知若見本性不用讀經念佛廣學
多知無益神識轉昏設教只為標心若識心何用着教
若得凡入聖即須息業養神隨分過日若多嗔嗔令
性轉與道相違自賺無益聖人於生死中自在出沒
隱顯不定一切業拘它不得聖人破邪魔一切衆生
但見本性餘習頓滅神識不昧須是直下便會只在

如今欲真會道莫執一切法息業養神餘習亦盡自然
明白不假用功外道不會佛意用功最多違背聖意
終日驅驅念佛轉經昏於神性不免輪迴佛是閑人
何用驅驅廣求名利後時何用但不見性人讀經念
佛長學精進六時行道長坐不卧廣學多聞以為佛
法此等衆生盡是謗佛法人前佛後佛只言見性諸
行無常若不見性妄言我得阿耨菩提此是大罪人
十大弟子阿難多聞中得第一佛無識只學多聞二
乘外道識佛識數脩證隨在因果中是衆生業報不
免生死違背佛意即是謗佛衆生殺却無罪過經云
闡提人不生信心殺却無罪過若有信心此人是佛

位人若不見性即不用取次謗它良善自賺無益善
 惡應然因果分明天堂地獄只在眼前愚人不信現
 隨黑暗地獄中亦不覺不知只緣業重故所以不信
 諱如無目人信道有光明縱向伊說亦不信只緣
 盲故憑何辨得日光愚人亦復如是見今隨畜生雜
 類誕在貧窮下賤末生不得求死不得雖變是苦直
 問著亦言我今快樂不異天堂故知一切眾生生處
 為樂亦不覺不知如斯惡人只緣業障重故所以不
 能發信心者不自由它也若見自心是佛不在剃除
 鬚髮白衣亦是佛若不見性剃除鬚髮亦是外道問
 曰白衣有妻子媼欲不除憑何得成佛答曰只言見

性不言媼欲只為不見性但得見性媼欲本來空寂
 自尔斷除亦不樂著縱有餘習不能為害何以故性
 本清淨故雖處在五蘊色身中其性本來清淨染污
 不得法身本來無受無飢無渴無寒熱無病無恩愛
 無眷屬無苦樂無好惡無短長無強弱本來無有一
 物可得只緣執有此色身因即有飢渴寒熱瘡病等
 相若不執即一任作若於生死中得自在轉一切法
 與聖人神通自在無疑無處不安若心有疑決定透
 一切境界不過不作最好作了不免輪迴生死若見
 性旃陀羅亦得成佛問曰旃陀羅殺生作業如何得
 成佛答曰只言見性不言作業縱作業不同一切業

拘不得從無始曠大劫來只為不見性隨地獄中所
以作業輪迴生死從悟得本性終不作業若不見性
念佛免報不得非論殺生命若見性疑心頓除殺生
命亦不奈何自西天二十七祖只是迦傳心印吾
今來此土唯傳頓教大乘即心是佛不言持戒精進
苦行乃至入水火登於劍輪一食長坐不卧盡是外
道有為法若識得施為運動靈覺之性汝即諸佛心
前佛後佛只言傳心更無別法若識此法凡夫一字
不識亦是佛若不識自己靈覺之性假使身破如微
塵覓佛終不得也佛者亦名法身亦名本心此心無
形相無因果無筋骨猶如虛空取不得不同質碍不

同外道此心除如來一人能會其餘衆生迷人不明
了此心不離四大色身中若離是心即無能運動是
身無知如草木凡藥身是無性因何運動若自心動
乃至語言施為運動見聞覺知皆是動心動用動是
心動動即其用動用外無心心外無動動不是心心
不是動動本無心心本無動動不離心心不離動動
無心離心無動離動是心用用是心動動即心用用
即心動不動不用用體本空空本無動動用同心心
本無動故經云動而無所動終日去來而未嘗去終
日見而未嘗見終日笑而未嘗笑終日聞而未嘗聞
終日知而未嘗知終日喜而未嘗喜終日行而未嘗

行終日住而未曾住故經云言語道斷心行處滅見
聞覺知本自圓寂乃至嗔喜痛痒何異木人只緣推
尋痛痒不可得故經云惡業即得苦報善業有善報
不但嗔隨地獄喜即生天若知嗔喜性空但不執即
業脫若不見性講經決無憑說亦無盡略標耶正如
是不及一二也

頌曰

心心難可尋寬時徧法界窄也不容針我本求心
不求佛了知三界空無物若欲求佛但求心只這心
心心是佛我本求心心自持求心不得待心知佛性
不從心外得心生便是罪生時

持

偈曰

吾本來此土 傳法救迷情
一華開五葉 結果自然成

達磨大師血脉論一卷

達磨大師破相論

道在身心理無繩墨真如幽隱起對治門不用言無
以鑒其幽不立心無以授法印若迷名滯相則三男
輪迴趣寐沈空自埋佛性般若不有而起有有之因
妙用不無乃越空空之境住心執有者自欺於聖不
免輪迴滅色取空者自誑於凡沈埋苦海是以達磨
和尚愍彼迷津說破相論無名僧於言下抄錄令後
學者見無相之心一見本心永超生死大圓鏡智不
待脩成清淨法身不由漸證空有不捨上諦恒存不
住真俗現前無漏痛哉痛哉迷于聖地高推衣內懷
珠十方馳騁宅中寶藏都不覺知不認無生沈埋累

有 則

劫審尋茲論目擊道存若自謗心王佛也不能救汝
 論曰若復有人志求佛道者當備何法最為省要答
 唯觀心一法總攝諸法最為省要問曰何一法能攝
 諸法答心者萬法之根本一切諸法唯心所生若能
 了心則萬法俱備猶如大樹所有枝條及諸花果皆
 悉依根栽樹者存根而始生子伐樹者去根而必死
 若了心脩道則必力而易成不了心而修費功而無
 益故知一切善惡皆由自心心外別求終無是處問
 曰何觀心稱之為了答菩薩摩訶薩行深般若波羅
 蜜多時了四大五陰本空無我了見自心起用有二
 種差別云何為二一者淨心二者染心此二種心法

亦自然本來俱有雖假緣合乎相因待淨心恒樂善
 因染体常思惡業若不受所染則稱之為聖遂能遠
 離諸苦證涅槃樂若隨染心造業受其纏覆則名之
 為凡沈淪三界受種種苦何以故由彼染心障真如
 體故十地經云眾生身中有金剛佛性猶如日輪體
 明圓滿廣大無邊只為五陰重雲所覆如鏡內燈光
 不能顯現又涅槃經云一切眾生皆有佛性無明覆
 故不得解脫佛性者即覺性也但自覺覺他覺知明
 了則名解脫故知一切諸善以覺為根因其覺根遂
 能顯現諸功德樹涅槃之果德因此而成如是觀心
 可名為了問上說真如佛性一切功德因覺為根未

審無明之心以何為根答無明之心雖有八萬四千煩惱情欲及恒河沙衆惡皆因三毒以為根本其三毒者即貪嗔癡是也此三毒心自能具足一切諸惡猶如大樹根雖是一所生枝葉其數無邊彼三毒根一一根中生諸惡業百千萬億倍過於前不可為喻如是三毒心於本體中應現六根亦名六賊即六識也由此六識出入諸根貪著萬境能成惡業障真如體故名六賊一切衆生由此三毒六賊惑亂身心沈沒生死輪迴六趣受諸苦惱由如江河因小泉源涓流不絕乃能弥漫波濤萬里若復有人斷其本源即衆流皆息未解脫者能轉三毒為三聚淨戒轉六賊

為六波羅蜜自然永離一切諸苦問六趣三界廣大無邊若唯觀心何由免無窮之苦答三界業報唯心所生本若無心於三界中即出三界其三界者即三毒也貪為欲界瞋為色界癡為無色界故名三界由此三毒造業輕重受報不同分歸六處故名六趣問云何輕重分之為六答衆生不了正因迷心脩善未免三界生三輕趣云何三輕趣所謂迷脩十善安求快樂未免貪界生於天趣迷持五戒安起愛憎未免瞋界生於人趣迷執有為信邪求福未免癡界生阿脩羅趣如是三類名三輕趣云何三重所謂縱三毒心唯造惡業墮三重趣若貪業重者墮餓鬼趣瞋業

重者隨地獄趣癡業重者隨畜生趣如是三重通前
 三輕遂成六趣故知一切苦業由自心生但能攝心
 離諸邪惡三界六趣輪迴之苦自然消滅即得解脫
 問如佛所說我於三大阿僧祇劫無量勤苦方成佛
 道云何今說唯只觀心制三毒即名解脫答佛所說
 言無虛妄也阿僧祇劫者即三毒心也謝阿僧祇漢
 名不可數此三毒心於中有恒沙惡念於一一念中
 皆為一劫如是恒沙不可數也故言三大阿僧祇真
 如之性既被三毒之所覆蓋若不超彼三大恒沙毒
 惡之心云何名為解脫今若能轉貪瞋癡等三毒心
 為三解脫是則名為得度三大阿僧祇劫末世衆生

愚癡鈍根不解如來三大阿僧祇秘密之說遂言成
 佛塵劫未期豈不疑誤行人退菩提道問菩薩摩訶
 薩由持三聚淨戒行六波羅蜜方成佛道今今學者
 唯只觀心不候戒行云何成佛答三聚淨戒者即制
 三毒心也制三毒成無量善聚聚者會也無量善法
 普會於心故名三聚淨戒六波羅蜜者即淨六根也
 胡名波羅蜜漢名達彼岸以六根清淨不染六塵即
 是度煩惱河至菩提岸故稱波羅蜜問如經所說三
 聚淨戒者誓斷一切惡誓脩一切善體一切衆生今
 者唯言制三毒心豈不文義有乖也答佛所說是真
 實語菩薩摩訶薩於過去因中候苦行時為對三毒

發三誓願一切惡故常持戒對於貪毒並言修一切善
 故常翅對於瞋毒並言度一切眾生故常修慧對於癡
 毒由持如是戒定慧等三種淨法故能超彼三毒成
 佛道也諸惡消滅名為斷以能持三聚淨戒則諸善
 具足名之為候以能斷惡候善則萬行成就自他俱
 利普濟群生故名解脫則知所候戒行不離於心若
 自心清淨則一切佛土皆悉清淨故經云心垢則眾
 生垢心淨則眾生淨欲得佛土當淨其心隨其心淨
 則佛土淨也三聚淨戒自然成就矣問如經所說六
 波羅蜜者亦名六度所謂布施持戒忍辱精進禪定
 智慧今言六根清淨名波羅蜜者若為通會又六度

者其義如何答欲候六度當淨六根先降六賊能於
 眼賊離諸色境名為布施能禁耳賊於彼聲塵不令
 縱逸名為持戒能伏鼻賊等諸香臭自在調柔名為
 忍辱能制口賊不貪諸味讚詠講說名為精進能降
 身賊於諸觸慾湛然不動名為禪定能調意賊不順
 無明常候覺慧名為智慧六度者運也六波羅蜜喻
 若船筏能運眾生達於彼岸故名六度問經云釋迦
 如來為菩薩時曾飲三十六升乳糜方成佛道先因
 飲乳後證佛果豈唯觀心得解脫也答成佛如此言
 無虛妄也必因食乳然始成佛言食乳者有二種佛
 所食者非是世間不淨之乳乃是真如清淨法乳三

斗者三聚淨戒六斗者六波羅蜜成佛道時由食如是清淨法乳方證佛果若言如來食於世間和合不淨牛羶腥乳豈不謗誤之甚真如者自是金剛不壞無漏法身永離世間一切諸苦豈須如是不淨之乳以充飢渴經所說其牛不在高原不在下濕不食穀麥糠粃不與犍牛同群其牛身作紫磨金色言此牛者毗盧舍那佛也以大慈悲憐愍一切故於清淨法軀中出如是三聚淨戒六波羅蜜故妙法乳養育一切未解脫者如是真淨之牛清淨之乳非但如來飲之成道一切衆生若能飲者皆得阿耨多羅三藐三菩提問經中所說佛令衆生修造伽藍鑄寫形像燒

香散花然燈晝夜六時遶塔行道持齋禮拜種種功德皆成佛道若唯觀心總攝諸行說如是事應虛妄也答佛所說經有無量方便以一切衆生鈍根狹劣不悟甚深之義所以假有為喻無為若復不脩內行唯只外求希望獲福無有是處言伽藍者西國梵語此土翻為清淨地也若永除三毒常淨六根身心湛然內外清淨是名脩伽藍鑄寫形像者即是一切衆生求佛道也所為候諸覺行仿像如來真容妙相豈遣鑄寫金銅之所作也是故未解脫者以身為爐以法為火以智慧為巧匠三聚淨戒六波羅蜜以為模樣鑄鍊身中真如佛性遍入一切戒律模中如敬奉

行一無漏缺自然成就真容之像所謂究竟常住微妙色身非是有為敗壞之法若人求道不解如是鑄寫真容憑何輒言功德燒香者亦非世間有相之香乃是無為正法之香也薰諸臭穢無明惡業悉令消滅其正法香者有其五種一者戒香所謂能斷諸惡能備諸善二者定香所謂深信大乘心無退轉三者慧香所謂常於身心內自觀察四者解脫香所謂能斷一切無明結縛五者解脫知見香所謂觀照常明通達無礙如是五種香名為最上之香世間無以佛在世日今諸弟子以智慧火燒如是無價寶香供養十方諸佛今時衆生不解如來真實之義唯持外火

燒世間沈檀薰陸質身之香希聖福報云何得散花者義亦如是所謂宣說正法諸功德花饒益有情散沾一切於真如性普施莊嚴此功德花佛所讚歎究竟常住無彫落期若復有人散如是花獲福無量若言如來令衆生剪截繒彩傷損草木以為散花無有是處所以者何持淨戒者於諸天地森羅萬像不令觸犯誤犯者猶獲大罪況復今者故毀淨戒傷萬物求於福報欲益返損豈有是乎又長明燈者即正覺心也以覺明了喻之為燈是一切未解脫者以身為燈臺心為燈炷增諸戒行以為添油智慧明達喻如燈火常然如是真正覺燈照破一切無明癡暗能以

此法轉相開示即是一燈燃百千燈以燈續然然燈
無盡故彌長明過去有佛名為然燈義亦如是愚癡
衆生不會如來方便之說專行虛妄執著有為遂然
世間蘇油之燈以照空室乃稱依教豈不謬乎所以
者何佛放眉間一毫相光上能照萬八千世界豈假
如是蘇油之燈以為利益審察斯理應不然乎又六
時行道者所謂六根之中於一切時常行佛道修諸
覺行調伏六根長時不捨名為六時遶塔行道者塔
是身心也當令覺慧巡遶身心念念不停名為遶塔
過去諸聖皆行此道得至涅槃今時世人不會此理
曾不內行唯執外求得質身身遶世間塔日夜走驟

持齋

徒自疲勞而於真性一無利益又持齋者當須會意
不達斯理徒爾虛功齋者齊也所謂齊正身心不令
散亂持者護也所謂於諸戒行如法護持必須外禁
六情內制三毒勤覺察淨身心了如是義名為持齋
又持齋者食有五種一者法喜食所為依持正法歡
喜奉行二者禪悅食所為內外澄寂身心悅樂三者
念食所謂常念諸佛心口相應四者願食所謂行住
坐卧常求善願五者解脫食所謂心常清淨不染俗
塵此五種食名為齊食若復有人不食如是五種淨
食自言持齋無有是處唯斷於無明之食若齋觸者
名為破齋若有破云何獲福世有迷人不悟斯理身

心放逸諸惡皆為貪欲恣情不生慚愧唯斷外食自為持齋必無是事又禮拜者當如是法也必須理修內明事隨權變理有行藏會如是義乃名依法六禮者敬也拜者伏也所謂恭敬真性屈伏無明名為禮拜若能惡情永滅善念恒存雖不現相名為禮拜其相即法相也世尊欲令世俗表譙下心亦為禮拜故須屈伏外身示內恭敬舉外明內性相相應若復不行理法唯執外求內則放縱瞋癡常為惡業外即空勞身相詐現威儀無慚於聖徒誑於凡不免輪迴豈成功德問如溫室經說洗浴眾僧獲福無量此則憑於事法功德始成若為觀心可相應否答洗浴眾僧

者非洗世間有為事也世尊當爾為諸弟子說溫室經欲令受持洗浴之法故假世事比喻真宗隱說七事供養功德其七事云何一者淨水二者燒火三者澡豆四者楊枝五者淨灰六者蘇膈七者內衣舉此七法喻於七事一切衆生由此七法沐浴莊嚴能除毒心無明垢穢其七法者一謂淨戒洗蕩憊非猶如淨水濯諸塵垢二者智慧觀察內外由如然火能溫淨水三者分別簡棄諸惡猶如澡豆能淨垢膩四者真實斷諸妄想如斲楊枝能淨口氣五者正信決定無疑由如淨灰摩身能辟諸風六者謂柔和忍辱由如蘇膈通潤皮膚七者謂慚愧悔諸惡業猶如內衣

法苑珠林

遮醜形躰如上七法是經中秘密之義如來當爾為
諸大乘利根者說非為小智下劣凡夫所以今人無
能解悟其溫室者即身是也所以燃智慧火溫淨戒
湯沐浴身中真如佛性受持七法以自莊嚴當不比
丘聰明上智皆悟聖意如說脩行功德成就俱登聖
果今時衆生莫測其事將世間水洗質身身自謂依
經豈非謬也且真如佛性非是凡形煩惱塵垢本來
無相豈可將質身水洗無為身事擬應云何悟道若
欲身得淨者當觀此身本因貪欲不淨所生臭穢驕
闕內外充滿若也洗此身求於淨者猶如洗車車盡
方淨以此驗之明知洗外非佛說也問經說言至心

念佛必得往生西方淨土以此一門即應成佛何假
觀心求於解脫答夫念佛者當須正念了義為正不
了義為邪正念必得往生邪念云何達彼佛者覺也
所謂覺察身心勿令起惡念者憶也所謂憶持戒行
不忘精進勤了如是義名為念故知念在於心不在
於言因筌求魚得魚忘筌因言求意得意忘言既稱
念佛之名須知念佛之道若心無實口誦空名三毒
內臻人我填臆將無明心不見佛徒尔費功且如誦
之與念義理懸殊在口曰誦在心曰念故知念從心
起名為覺行之門誦在口中即是音聲之相執相求
理終是無處故知過去諸聖所脩皆非外說唯只推心

即心是衆善之源，即心為萬德之主。涅槃常樂，由息心生。三界輪迴，亦從心起。心是出世之門，戶心是解脫之關。津知門戶者，豈慮難成？知關津者，何憂不達？竊見時淺識唯知事相為功，廣費財寶，多傷水陸。妄緣塔虛，役人夫積木，疊泥圖青畫綠，傾心盡力。損已迷他，未解漸悞。何曾覺悟，見有為則勤，勤惡者說無相，則兀兀如迷。且貪現世之小慈，豈覺當來之大苦？此之脩學，徒自疲勞，背正歸邪。誰言獲福，但能攝心內照，覺觀睎絕。三毒永使銷亡，六賊不令侵擾。自然恒沙功德，種種莊嚴，無數法門，一一成就。起凡證聖，目擊非遙。悟在須臾，何煩皓首。真門幽秘，寧

可具陳述心詳其少分

達磨大師破相論

右初祖三論鑿梓以壽傳伏願
 列祖血脉流通羣有性相融攝
 版留臨川三會院助緣中維
 至憲丁卯秋釋普觀謹誌

110X
33
1